

Broj: 03-04-155-1/25
Sarajevo, 24.02.2025. godine

Bosna i Hercegovina
Federacije Bosne i Hercegovine
**PARLAMENT FEDERACIJE
SARAJEVO**

Primljeno: 26-02-2025			
Org. jed.	Broj	Priloga	Vrijednost
05/2	- 02 -	32	25

PARLAMENT FEDERACIJE BOSNE I HERCEGOVINE

Dom naroda

n/p gđi Aidi Hadžić Salkić, državnoj službenici koja obavlja poslove iz nadležnosti tajnika
n/p gosp. Fahrudin Čolakoviću, izaslaniku ✓

Predmet: Odgovor na izaslaničku inicijativu

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u svezi s člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br: 27/03, 21/09, 24/20 i 60/24), u prilogu Vam dostavljam akt Federalnog ministarstva trgovine, broj: 01-02-190/25 od 21. veljače 2025. godine, koji se odnosi na izaslaničku inicijativu, koju je podnio Fahrudin Čolaković, izaslanik u Domu naroda Parlamenta Federacije Bosne i Hercegovine.

S poštovanjem,



Privatak: kao u tekstu

Broj: 01-02-190/25
Mostar, 21.02.2025. godine

BOSNA I HERCEGOVINA
FEDERACIJA BOSNE I HERCEGOVINE
VLADA

BOSNA I HERCEGOVINA
FEDERACIJA BOSNE I HERCEGOVINE
VLADA
SARAJEVO

PRIMLJENO: 24.02.2025			
Organizaciona jedinica	Klasifikaciona oznaka	Šifra	Broj priloga
03-04-155-1/2025			

N/p gđa. Edita Kalajdžić, sekretar

SARAJEVO

PREDMET: Odgovor na delegatsku Inicijativu, dostavlja se

VEZA: Vaš akt broj 03-04-155-1/25 od 10.02.2025. godine

Poštovani,

U skladu sa članom IV.B.7.f. (VI) Ustava Federacije Bosne i Hercegovine i članom 75. Poslovnika o radu Vlade Federacije Bosne i Hercegovine—Prečišćeni tekst („Službene novine Federacije BiH“ br. 6/10, 37/10, 62/10, 39/20 i 67/21), u vezi s Inicijativom koju je pokrenuo prema Vladi Federacije Bosne i Hercegovine, **Fahrudin Čolaković**, delegat u Domu naroda Parlamenta Federacije Bosne i Hercegovine, u prilogu Vam dostavljamo tri primjerka odgovora na Inicijativu, s molbom da iste dostavite delegatu i Sekretaru Doma naroda Parlamenta Federacije Bosne i Hercegovine.

S poštovanjem,

Prilog: kao u tekstu



**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO TRGOVINE
M O S T A R**

Broj: 01-02-190/25
Mostar, 21.2.2025. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
n/p gđa. Aida Hadžić-Salkić
n/p gosp. Fahrudin Čolaković, delegat**

**Hamdije Kreševljakovića 3
S A R A J E V O**

PREDMET: Odgovor na delegatsko pitanje delegata Fahrudina Čolakovića ,
dostavlja se

Poštovani,

U skladu s odredbom člana 75. Poslovnika o radu Vlade Federacije Bosne i Hercegovine—Prečišćeni tekst („Službene novine Federacije BiH“ br. 6/10, 37/10, 62/10,39/20 i 67/21), a vezano za akt od 30.01.2025. godine gosp. **Fahrudina Čolakovića**, delegata u Domu naroda Parlamenta Federacije Bosne i Hercegovine, kojim imenovani pokreće inicijativa prema Vladi Federacije Bosne i Hercegovine da se donese nova odluka o propisivanju mjera neposredne kontrole cijena utvrđivanjem maksimalne marže za pojedine osnovne životne namirnice i druge proizvode kako bi se zaustavio navedeni rast i zaštitili potrošači, u skladu s nadležnostima Federalnog ministarstva trgovine, dajemo sljedeći:

O d g o v o r

Federalno ministarstvo trgovine u skladu sa Zakonom o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/08, 2/06, 8/06, 61/06), vrši upravne, stručne i druge poslove iz nadležnosti Federacije BiH koji se odnose na trgovinu, funkcioniranje jedinstvenog tržišta, uticaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom.

Zakonom o kontroli cijena („Službene novine Federacije BiH“ br. 2/95, 70/08 i 39/24), propisano je da privredna društva, druga pravna i fizička lica slobodno

formiraju cijene proizvoda i usluga prema uvjetima tržišta, osim za proizvode za koje je posebnim propisom utvrđen drugačiji način formiranja cijena.

Mjere neposredne kontrole cijene propisane su članom 4. Zakona o kontroli cijena koje se zasnivaju na ekonomskim kriterijima i propisuju se izuzetno ukoliko nastupe ili mogu nastupiti veći poremećaji na tržištu i kretanju cijena, a kao mjere koje se mogu propisati: određivanje najvišeg nivoa cijena, zadržavanje cijena na određenom nivou (zatečene cijene), davanje suglasnosti na cijene, odnosno tarife, utvrđivanje marži u trgovini (kalkulativne cijene) i obavještanje o promjeni cijena i marži za proizvode i usluge (evidencija cijena).

Na prijedlog federalnog ministra trgovine, krajem 2023. godine održano je niz zajedničkih sastanaka sa predstavnicima Udrugom poslodavaca u Federaciji BiH, Federalne uprave za inspekcijske poslove, udrugama potrošača, Sindikata trgovine i uslužnih djelatnosti BiH i proizvođača na kojima je ocijenjeno da je u oblasti cijena potrebno započeti zajedničke aktivnosti dobrovoljnog djelovanja navedenih aktera, te je postignut dogovor da se pokrene Projekat „Zaključavamo cijene“.

Cilj Projekta bilo je promoviranje društveno odgovornog djelovanja trgovaca i domaćih proizvođača, na način da trgovci snize redovne cijene pojedinih životnih namirnica i higijenskih proizvoda i te snižene cijene zaključaju na period od tri mjeseca. Na sastancima je konstatirano da se navedenim sniženjem cijena uvodi sidro cijena (zaključane/zamrznute cijene), i time za trgovce definiše cjenovni reper važan kod formiranja cijena drugih brendova istog proizvoda. U skladu sa navedenim, Federalno ministarstvo trgovine je zajedno sa Udrugom poslodavaca, udrugama potrošača i sindikatom trgovačkih radnika, od 15. decembra 2023. godine do kraja 2024. godine organiziralo dobrovoljni Projekat „Zaključavamo cijene“, koji je imao ukupno četiri kruga(u trajanju od tri mjeseca) i obuhvatao je, zavisno od pojedinog kruga, spisak od 40 do 56 proizvoda, a broj učesnika je bio od 12 do 32 pravnih lica sa cca 1.500 prodavnica. Trajanje Projekta prestalo je 31.12.2024. godine.

Trenutna ekonomska situacija i konstantan rast cijena osnovnih životnih namirnica i higijenskih proizvoda koji utječe na životni standard stanovništva i stvara stalne socijalne i ekonomske izazove, osobito za najugroženije kategorije stanovništva, u januaru 2025. godine rezultirao je djelovanjem Federalnog ministarstva trgovine na način da je dana 18.2.2025. godine ovo Ministarstvo Vladi Federacije Bosne i Hercegovine uputilo na razmatranje Prijedlog odluku o propisivanju mjere neposredne kontrole cijena određivanjem najvišeg nivoa cijena za pojedine proizvode.

Predmetnim Prijelomom odluke propisano je da su pravna lica registrovana za obavljanje trgovine na malo, u svim svojim prodajnim objektima, obavezna odrediti najviši nivo maloprodajnih cijena za proizvode navedene u tački II. ove odluke, i to za sve proizvode iz grupe 1. (ukupno 40 proizvoda) i najmanje 15 proizvoda (po vlastitom izboru) iz grupe 2. (ukupno je 25 proizvoda)

Fizička lica registrovana za obavljanje trgovine na malo, u svom prodajnom objektu, obavezna su odrediti najviši nivo maloprodajnih cijena za najmanje 10 proizvoda iz grupe 1. iz tačke II. ove odluke.

Kako bi se osigurala pravovremena obavještenost potrošača o maloprodajnim cijenama proizvoda iz tačke II (grupa 1. i grupa 2. proizvoda) Prijedloga odluke, trgovci su dužni uz maloprodajnu cijenu jasno, vidljivo i čitko istaknuti vizuelnu identifikacijsku oznaku, na ulazu u prodajni objekat ili na drugom mjestu unutar prodajnog objekta i na internet stranici, ako je uspostavljena, jasno, vidljivo i čitljivo istaknuti plakat koji sadrži minimalno:

1. vizuelnu identifikaciju iz stava (1) alineja 1. ove tačke odluke i
2. popis artikala sa navedenom prethodnom (redovnom) cijenom i „Zaključanom cijenom“ istog proizvoda.

U tački VII. Prijedloga odluke je navedeno da danom stupanju na snagu ove odluke prestaje primjena odluka kantonalnih vlada o mjerama neposredne kontrole cijena za sve prehrambene proizvode iz člana 9. Zakona o kontroli cijena ("Službene novine Federacije BiH", br. 2/95, 70/08 i 39/24).

Ističemo da je cilj navedene mjere neposredne kontrole cijena smanjenje inflacije u segmentu osnovnih životnih namirnica, od značaja za svakodnevnu potrošnju građana, te osiguranje njihove pristupačnosti, posebno onim s nižim prihodima.

Također, cilj je osigurati raznolikost i konkurenciju na tržištu, omogućujući potrošačima da biraju između različitih opcija, dok istovremeno trgovci održavaju niže cijene koje ne ugrožavaju kvalitet proizvoda. Ističemo da je ova mjera bitna za stabilnost tržišta, zaštitu potrošača i očuvanje zdravog tržišnog okruženja, uz potrebnu fleksibilnost koja omogućava trgovcima da ponude raznovrsne marke (artikle) unutar minimalnih okvira cijena.

S poštovanjem,



MINISTAR

Amir Hasićević